

16. oktober

Kalaallit Nunaani kræftimik eqqugaasunut sungiusaqqittarfimmik pilersitsinissamut siunnerfilinnik iliuusissanik pilersaarusiornissaannik Naalakkersuisut kingusinnerpaamik UPA16-imi peqquneqarnissaannik siunnersuut.

(Inatsisartunut ilaasortaq Agathe Fontain, Inuit Ataqatigiit)

Siumumiit Inatsisartunut ilaasortap Agathe Fontainip Inuit Ataqatigiinneersup siunnersuutaanut Nunatsinni kræftip eqqugaanut sungiusaqqittarfimmik pilersitsinissamut siunnerfilimmik iliuusissanik pilersaarusiortoqarnissaannik Naalakkersuisut peqquneqarnissaannik siunnersuummut ima oqaaseqassaagut:

Siullermik Siumumiit naqissusissavarput; inuiaqatigiinni sanngiilliortut aammalu toqussutaasinnaasumik napparsimasut puujugaasutut misiginnginnissaat aammalu pitsaasumik paaqqutarinissaat pingaartikkatsigu.

Naalakkersuisut oqaaseqaatiminni oqaatigaat uuma siunnersuutip assigisaanik siammakkamilli Naalakkersuisut suliaqatitsisut, tamannalu uani ukiaanerani piareertussatut pilersaaruteqarfigineqartoq. Nalunaarusiaq ”Inunnut Toqussutaasinnaasumik napparsimasunut suliniuteqarneq piginnaanngorsaqqiiniarluni nipaallisa-aniarlunilu (nipaallisaalluni iliuuseqarneq) periarfissat”, ilaatigut uuma siunnersuutip imarisaanut assingulluinnartunik imaqartoq Siumumiit utaqqimaarnissaa orni- ginartinneruarput, Naalakkersuisullu nalunaarusiamik suliarinnilluarnissaannik kissaallugit.

Taama oqaaseqarluta siunnersuutip taama isikkoqartillugu itigartinneqarnissaa Siumumiit inassutigaarput.

Laura Táunâjik
Siumut